

## 25. GODIŠNJICA MATURE

Generacija koja je 1945. godine pošla u I razred osnovne škole je generacija koja je maturirala školske 1957/58. godine na Geodetskoj školi u Sarajevu.

Prve djačke korake smo započeli u Novoj Jugoslaviji sa kojom smo jedno rasli, napredovali, veselili se, tugovali jednom riječju živili život obodne Jugoslavije.

25. maja 1983. godine sastaše se maturanti iz 1958. godine u proslavama svoje škole da sa svojim profesoricama, i profesorima proslave taj važan jubilej - 25. godina od završetka mature.

Susreti starih drugova bili su veseli, na momente dirljivi - ne piješe se od daleke 1958. godine, a bilo je i komičnih situacija. Neki drugovi se fizički izmijenili za ovih 25. godina da su bila potrebna ponekad i predstavljanja.

Svečanost, sa utvrđenim programom, je otvorio jubilarac, Koroman Židar

Minutom čutanja odali smo poštu preminulim profesorima, Bisić Mehemetu, Mehi Kapetanoviću, Relji Šiljku, Fejtulahu Smalbegoviću, te našim drugovima koji sa nama maturiraju, Aganović Aliji, Adžić Lazaru, Čuk Jusufu i Tašić Zoranu.

Skup su pozdravili naši profesori, Aganović Ismet, Salih Kabil, Filipović Faruk i Bošković Branko.

Nakon tih svečanosti prigodni referat je podnio Zelović Vojo, maturant te generacije.

Evocirao je uspomene iz školskih dana.

Sa sjetom u duši sjetio se, samoprijegornog i plodnog rada Mehmeda Bisića, velikog humaniste Mehe Kapetanovića, Relje Šiljka koji je ostavio snažan pečat na sve generacije koje je on izveo, te prof. dr Fejtulaha Smalbegovića, prvog doktora geodetskih nauka u BiH, čovjeka koji je neponovljivim šarmom vodio nastavu, stvarao nastavnu atmosferu i rukovodio školom, Ilihović Alije koji nas je uveo u prve probleme univerzitetske nastave, Imamović Halida koji nam pokaza i drugu, ljepšu stranu života - sport, ferijalu, Milić Samuila koji nam pokaza kako svijet izgleda sa socijološke strane.

Sa oduševljenjem je pozdravio žive profesore i zahvalio im se na tome što su učinili za ovu divnu i uspješnu generaciju.

Sa žaljenjem je konstatovao da većom silom (saobraćajni udes) među nama nije, legenda naše škole, profesor Sijerčić Sinan jedan od razrednih predavateljenika koji nam je bio i ostao mnogo, mnogo više od profesora sa katalomom u ruci. Žarko je želio i spremao se za ovu svečanost, ali eto .....

Kao penzioner vrlo često dodje u školu i živi sa njom i njenim problemima. Zato mu hvala i u ime današnjih profesora i djaka Geodetske škole Sarajevu.



Sa ponosom je izložio rezultate rada slavljeničke generacije. Tim povodom je rekao: "Iz naše generacije su izrasli univerzitetski profesori, doktori nauka, majstori, diplomirani inženjeri, inženjeri, istaknuti privrednici, poznati i priznati društveni radnici koji oplemeniše sva dostignuća u razvoju Republike i šire društvene zajednice za što dobiše značajna društvena priznanja.

Tom prilikom je istakao da je ova generacija u zenitu svojih stvaralačkih mogućnosti od koje se još mnogo očekuje i sigurno je da će sva očekivanja opravdati.

Nakon svečanosti obišli smo, prema programu, Spomen park - Vraca gdje smo se još jednom podsjetili na ogromne žrtve koje dade naša zemlja da bi mi učili i stvarali u miru za dobro naših budućih generacija.

Na tom divnom mjestu napravismo niz fotografskih snimaka te i na taj način ovjekovječismo naš praznik.

Naveče smo upriličili jednu nezaboravnu, intimnu večeru u Kineskom restoranu, gdje ostadosmo do u sitne sate uz melozvučni glas poznatog pjevača Sabahudina Kurta.

Bilo je zaista izvanredno. Svakom od nas otimao se uzvik da ovakve skupove treba ubuduće upriličiti što češće, a nikako kasnije od 5 godina što jedni drugima i obećasmo.

Zelović Vojo